



Մ Ա Յ Ր Ա Թ Ո Ռ Ո Ւ Մ

ԵՊԻՍԿՈՊՈՍԱԿԱՆ ԵՎ ՎԱՐԴԱՊԵՏԱԿԱՆ
ՊԱՏԱՐԱԳՆԵՐ

Հոկտեմբերի 7-ին, ուրբաթ առափոտ, Մայր Տաճարում եպիսկոպոսական առաջին պատարագը մատուցեց գերաշնորհ Տ. Հայկազուն եպիսկոպոս Աբրահամյանը:

Հոկտեմբերի 8-ի առափոտ, Մայր Տաճարում, Սրբալույս Մեռնի օրհնությունից առաջ, եպիսկոպոսական առաջին պատարագը մատուցեց Կալիֆորնիայի առաջնորդ գերաշնորհ Տ. Շնորհք եպիսկոպոս Գալստյանը:

Հոկտեմբերի 9-ին, կիրակի առափոտ, Մայր Տաճարում, եպիսկոպոսական առաջին պատարագը մատուցեց Արևմտյան Եվրոպայի Հայոց Կաթողիկոսական պատմիրակ գերաշնորհ Տ. Սերովրե եպիսկոպոս Մանուկյանը: Պատարագիչ սրբազանը իր շատ գեղեցիկ քարոզովը ձեռնհասորեն բացատրեց Ս. Մեռնի և Սրբոց Թարգմանչաց տոնի նշանակությունները հայ հավատացյալ ժողովրդի համար:

Հոկտեմբերի 11-ին, երեքշաբթի առափոտ, Մայր Տաճարում պատարագեց բարձրապատիվ Տ. Հմայակ վարդապետ Ինթոյանը (Հյուսիսային Ամերիկայից):

Հոկտեմբերի 12-ին, չորեքշաբթի առափոտ, պատարագեց բարձրապատիվ Տ. Բաբգեն վարդապետ Վարժապետյանը (ԱՄՆ-ից):

Հոկտեմբերի 13-ին, հինգշաբթի առափոտ, պատարագեց իտալահայոց հոգևոր հովիվ բարձրապատիվ Տ. Զգոն վարդապետը:

Հոկտեմբերի 16-ին, կիրակի օր, պատարագեց և քարոզեց Կիլիկիայի Կաթողիկոսության միաբաններից հոգեշնորհ Տ. Գնեկ ծ. վարդապետ Ճերենյանը:

ՆՈՐ ԵՊԻՍԿՈՊՈՍՆԵՐ

Հոկտեմբերի 22-ի շաբաթ երեկոյան ժամերգությունից հետո, Մայր Տաճարում, հանդիսավոր արարողությամբ ծայրագունության աստիճան ստացավ Կիլիկիայի Կաթո-

ղիկոսության Դամասկոսի թեմի Կաթողիկոսական փոխանորդ, Երուսաղեմի Սրբոց Հակորյանց ուխտի միաբան բարձրաշնորհ Տ. Շավարշ վարդապետ Գույումճյանը: Տվությունը կատարեց գերաշնորհ Տ. Սահակ եպիսկոպոս Տեր-Հովհաննիսյանը: Խարտավիլիակն էր բարձրաշնորհ Տ. Կոմիտաս վարդապետ Տեր-Ստեփանյանը:

Հաջորդ օրը, 23 հոկտեմբերի կիրակի առափոտ, Մայր Տաճարում, հավատացյալների խոռոչ բաղմունքյան ներկայությամբ, Ամենայն Հայոց Կաթողիկոս և Մայրազույն Պատրիարք Վեհափառ Տ. Տ. Վազգեն Ա. ի ձեռքով եպիսկոպոս ձեռնադրվեցին և օծվեցին Տ. Շավարշ ծայրագուն վարդապետ Գույումճյանը (Դամասկոս—Սիրիա) և Տ. Պսակ ծայրագուն վարդապետ Թումայանը (Լոնդոն—Անգլիա)՝ խարտավիլակությամբ Տ. Սահակ եպիսկոպոսի:

Վեհափառ Հայրապետը երկու նորածն եպիսկոպոսներին ուղղյալ խրատականում նշեց այն կարևոր գերը, որը կատարելու կոչվում էին նրանք հայ ժողովրդի և Հայ Եկեղեցու ծոցում՝ և՛ որպես եպիսկոպոս, և՛ որպես առաջնորդ, առաջինը Սիրիական պատվյան մայրաքաղաք Դամասկոսում, երկրորդը՝ Բրիտանական կայսրության մայրաքաղաք Լոնդոնում:

Եպիսկոպոսական ձեռնադրության և հայրապետական պատարագին ներկա եղող հավատացյալների սրտերը ուրախությամբ էին ցնծում ի տես Հայաստանյայց Առաքելական Եկեղեցու նոր ուժերով հզորացման:

ԵՊԻՍԿՈՊՈՍԱԿԱՆ ԱՌԱՋԻՆ ՊԱՏԱՐԱԳ

Հոկտեմբերի 24-ին, երկուշաբթի առափոտ, Մայր Տաճարում, եպիսկոպոսական առաջին պատարագը մատուցեց գերաշնորհ Տ. Պսակ եպիսկոպոս Թումայանը: Պատարագի արարողություններին մասնակցեց Հոգևոր

Ճեմարանի ամբողջ ուսանողությունը: Պատարագիչ սրբազանը քարոզեց մտքի ու հոգու լույսի մասին:

ԱՔԵՂԱՅԱԿԱՆ ԱՌԱՋԻՆ ՊԱՏԱՐԱԳ

Հոկտեմբերի 27-ին, հինգշաբթի առավոտ, Մայր Տաճարում արեղայական առաջին պատարագը մատուցեց հոգեշնորհ Տ. Մաշտոց արեղա Թաջիրյանը: Պատարագի արարողություններին մասնակցեցին Հոգևոր Ճեմարանի ուսանողները:

ԱՐՏԱՍԱՀՄԱՆՅԱՆ ՈՒՆՏԱՎՈՐՆԵՐՆ ՈՒ ՊԱՏԳԱՄԱՎՈՐՆԵՐԸ ՎԵՐԱԴԱՐՁԱՆ

Ամենայն Հայոց Հայրապետի և Հովիւ-պետի ընտրության և օծման, եպիսկոպոսական ձեռնադրությունների և Սրբալույս Մեռոնի օրհնության կապակցությամբ արտասահմանյան բազմաթիվ երկրներից Հայաս-

տան ժամանած ուխտավորներն ու պատգամավորները վերադարձան իրենց տները՝ տանելով իրենց հետ անմոռանալի հիշատակներ:

ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ

Հոկտեմբերի 30-ին, շաբաթ առավոտ, Մայր Տաճարում, գերաշնորհ Տ. Սահակ եպիսկոպոսի ձեռամբ սարկավազ ձեռնադրվեց բնիկ Պաղչեցի (Ամանոս — Կիլիկիա) Հրայր Կարագյոզյանը: Պատարագիչն էր Տ. Հակոբ քահանան: Իսկ հաջորդ առավոտ, կիրակի, Մայր Տաճարում եպիսկոպոսական առաջին պատարագը մատուցանող գերաշնորհ Տ. Շավարշ եպիսկոպոս Գույումճյանի ձեռամբ հոգեշնորհ Հրայր սարկավազը ձեռնադրվեց քահանա: Նորընծան Կիլիկիայի Դպրեվանքի սաներից է, աշակերտած է նաև Ընծայարանին:

